

KULIAH ZOHOR

“Bersiap Menghadapi Krisis”

Masjid Maarof | 22 Januari 2020

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

يُوسُفُ أَيُّهَا الصِّدِّيقُ أَفْتِنَا فِي سَبْعِ بَقَرَاتٍ سِمَانٍ يَأْكُلُهُنَّ سَبْعُ عِجَافٍ وَسَبْعِ سُنبُلَاتٍ
خُضِرٍ وَأُخْرٍ يَا بَسَاتٍ لَعَلِّي أَرْجِعُ إِلَى النَّاسِ لَعَلَّهُمْ يَعْلَمُونَ

قَالَ تَزْرَعُونَ سَبْعَ سِنِينَ دَأْبًا فَمَا حَصَدْتُمْ فَذَرُوهُ فِي سُنْبُلِهِ إِلَّا قَلِيلًا مِمَّا تَأْكُلُونَ

ثُمَّ يَأْتِي مِنْ بَعْدِ ذَلِكَ سَبْعٌ شِدَادٌ يَأْكُلْنَ مَا قَدَّمْتُمْ لَهُنَّ إِلَّا قَلِيلًا مِمَّا تَحْصِنُونَ

ثُمَّ يَأْتِي مِنْ بَعْدِ ذَلِكَ عَامٌ فِيهِ يُغَاثُ النَّاسُ وَفِيهِ يَعْرِضُونَ

Terjemahan

“(Setelah pelayan itu berjumpa dengan Yusuf dia berseru) ‘Yusuf hai orang yang amat dipercayai, terangkanlah kepada kami tentang tujuh ekor sapi betina yang gemuk-gemuk yang dimakan oleh tujuh ekor sapi betina yang kurus-kurus dan tujuh butir (gandum) yang hijau dan (tujuh) lainnya yang kering agar aku kembali kepada orang-orang itu, agar mereka mengetahuinya.

Yusuf berkata ‘Supaya kamu bertanam tujuh tahun (lamanya) sebagaimana biasa; maka apa yang kamu tuai hendaklah kamu biarkan di tangkainya kecuali sedikit untuk kamu makan.

Kemudian sesudah itu akan datang tujuh tahun yang amat sulit, yang menghabiskan apa yang kamu simpan untuk menghadapinya (tahun sulit), Kecuali sedikit dari (bibit gandum) yang kamu simpan.

Kemudian setelah itu akan datang tahun yang padanya manusia diberi hujan (dengan cukup) dan manusia memeras anggur.”
(Yusuf : 46 – 49)

Pengajaran

1. Aturan alam bagi kehidupan ini ialah ia sentiasa melalui hukum kitaran
 - ada masa baik dan ada masa sulit.
2. Krisis dan kesulitan adalah satu yang lumrah dan pasti berlaku apabila tiba kitarannya
 - dapat dipelajari dari kejadian tujuh tahun masa senang dan tujuh tahun masa susah yang diramalkan oleh nabi Yusuf dan berlaku kemudiannya.

3. Hendaklah sentiasa berusaha mempersiapkan diri bagi menghadapi keadaan yang gawat, ketika berada dalam keadaan baik
 - dicapai dengan memahami kehidupan dan melakukan persiapan awal.

4. Salah satu cara menangani krisis ialah dengan membuat unjuran (projection) awal dan memastikan kesediaan sepanjang masa
 - dipelajari dari tindakan nabi Yusuf yang membuat unjuran mengenai apa yang akan berlaku di masa akan datang
 - cadang agar tanaman yang dituai sepanjang tujuh tahun tidak dihabiskan semuanya sebaliknya sebahagian kecil disimpan bagi menghadapi musim yang susah

5. Salah satu faktor yang membantu menangani krisis juga ialah dengan memastikan pengurusan sumber yang baik semasa senang dan sewaktu krisis.

6. Pada waktu susah, sumber yang ada jangan digunakan sehingga habis
 - disimpan sedikit sebagai “reserve” bagi waktu berkecemasan atau modal bila menjelang masa senang
 - kisah nabi Yusuf yang mana lebihan dari simpanan bahan makanan semasa susah membolehkan negeri Mesir terus makmur kerana didatangi oleh orang ramai dari pelbagai tempat untuk mendapatkan bekalan makanan.

7. Memahami aturan alam ini penting bagi memastikan kesediaan mental dalam situasi krisis
 - mudah merungut atau tertekan dalam keadaan krisis kecuali, bila gagal memahami aturan alam ini atau gagal untuk mempersiapkan dirinya.

8. Aturan alam ini pasti berlaku dan berlaku ke atas sesiapa sahaja
 - Rasulullah s.a.w sendiri melalui aturan ini
 - hadapi masa sulit di Mekah sebelum masa senang di Madinah
 - semasa di Madinah pula beliau menghadapi kekalahan di Uhud, ancaman Ahzab dan pengkhianatan Yahudi kemudian kegawatan di Hunain.

9. Tamadun Islam juga sedemikian, ia naik dan jatuh dan pasti akan naik kembali.

10. Samada seseorang di zaman kesulitan Islam atau zaman kegemilangan Islam adalah tidak penting kerana darjat manusia sisi Allah tidak ditentukan oleh zaman apa dia hidup di dalamnya
 - darjat manusia ditentukan oleh amal yang yang dilakukan

11. Berbahagialah mereka yang hidup di zaman Islam dihina tetapi menjadi pejuang untuk memuliakannya
 - kecelaan bagi mereka yang hidup di zaman kegemilangan Islam tetapi hanya bersenang lenang dengan kehidupannya sahaja.

KULIAH ZOHOR

“Sifat-sifat Seorang Pemimpin”

Masjid Maarof | 22 Januari 2020

Muhammad Haniff Hassan

ismhaniff@ntu.edu.sg / www.haniff.sg

Ayat Al-Quran

وَجَعَلْنَا مِنْهُمْ أُمَّةً يَهْتَدُونَ بِأَمْرِنَا لَمَّا صَبَرُوا وَكَانُوا بِآيَاتِنَا يُوقِنُونَ

Terjemahan

“Dan kami jadikan di antara mereka itu pemimpin-pemimpin yang memberi petunjuk dengan perintah Kami ketika mereka sabar. Dan adalah mereka meyakini ayat-ayat Kami.” (Al-Sajdah : 24)

Pengajaran

1. Al-Quran adalah kitab petunjuk dalam semua aspek penting kehidupan manusia
 - bukan hanya kitab peribadatan atau tata susila
 - Al-Quran juga memberi petunjuk akan prinsip-prinsip kepemimpinan dalam Islam

2. Tiga karakteristik penting bagi seorang pemimpin dalam semua keadaan, yaitu;
 - a. Memberi petunjuk
 - b. Sabar
 - c. Yakin terhadap apa yang diperjuangkan.

3. Memberi petunjuk bermaksud membimbing manusia ke arah petunjuk yang diturunkan oleh Allah taala
 - pemimpin yang baik ialah seorang yang menunjuk jalan kepada manusia untuk melalui kehidupan ini bukan “memimpin tangan” pengikutnya
 - sifat memberi petunjuk menunjukkan bahawa objek utama kepimpinan ialah manusia kerana benda dan binatang tidak memerlukan pimpinan manusia
 - kepentingan ilmu-ilmu kemanusiaan yang membolehkan mereka berinteraksi dengan manusia secara berkesan
 - keagungan seorang pemimpin terletak pada sejauh mana dia mampu memenangi hati manusia bukan sejauh mana dia mempunyai kuasa atas mereka.

4. Kerana manusia yang mempunyai bermacam ragam, kerenah dan berubah-ubah, maka memimpin mereka adalah satu tugas yang berat dan mencabar
 - sebab itulah perlu sifat sabar
 - yang tidak sabar, tidak akan menggunakan petunjuk untuk memimpin manusia, hanya akan menggunakan “kuasa”
 - yang tidak sabar, akan mudah terseleweng dari kebenaran kerana mencari jalan yang singkat.

5. Untuk sabar
 - perlu ada kejelasan dan keyakinan pada apa yang hendak dicapai = misi dan visi

6. Untuk yakin perlu ilmu

- Islam menuntut agar seorang pengikut itu mengikut atas dasar ilmu dan keyakinan, maka pemimpin itu sendiri mestilah sedemikian

- ilmu yang penting ialah ilmu tentang “ayat-ayat Allah”

> ayat yang dibaca (Al-Quran)

> ayat yang dilihat (alam)